

示眾師兄

未至丹陽怎敢爲師對同流說破些兒長生妙處似有施爲聚
五彩雲五行氣五方圭 西雉生東卯兔生西是木金間隔之
時淨中意會清裏心知願早清心早淨意早行持

勸眾師兄求乞殘餘

物外飄蓬餒在其中驀然聞撞動齋鐘殘餘求乞禱告玄宗念
出家兒無家地道家窮 麻麥充餐消滅尸蟲覺虛心實腹和
沖嬰兒跨虎姹女騎龍在虛無中來無跡去無踪

又

悟道翛然出世因緣但聞人修建齋筵長舒臂膊立在傍邊便

道藏輯要

洞玄金玉集

三

胃集六

乞殘羹覓殘飯度殘年 無恥無羞滅火消煙便留心搜妙搜
玄闡開玉蕊攢結金蓮覺氣神清精神秀做神仙

贈王五先生送環墻內飲饌

教去當除爭辦齋厨弟兄懋錯用功夫不如休歇早認元初便
覓雲根尋雲腳履雲衢 喘息如龜似有如無覺沖和來往寬
舒幹旋山嶽呼吸江湖得產仙胎成仙質赴仙都

詠香

不執沉香閒熱心香布仁風處處聞香人人向善箇箇崇香願
處無爲常清淨自然香 妙洞雲香虎嘯噴香更龍吟吐出馨
香玉爲寶篆金結丹香得赴蓬瀛超三界獻真香